



Anvid a messadi pigl tarvaschegns da la Muntogna da Schons

Data : gievgia, igls 4 da december 2025

Tains : 20.00 uras

Liac : scola Donat

Tractandas :

1. Bagnvagnieu tras igl president ad elecziùn digls/da las dumbravuschs
2. Protocol digl tarvaschegns digls 5 da zarcladur 2025
3. Partecipaziùn ve da la Finanz-Infra Tambo AG
 - a) Presentaziùn a discusiùn
 - b) Dezisiùn
 - Capital d'aczias
 - Garanzeia
4. Credit par la renovaziùn digl provedimaint d'aua da Pazen/Farden
 - a) Presentaziùn digl project
 - b) Aprovaziùn digl credit
5. Preventiv 2026
 - a) Presentaziùn da discusiùn
 - b) Aprovaziùn
6. Elecziùn da substituziùn par la cumissiùn da gestiùn (perioda d'ufezi 2024-26)
7. Definiziùn digl pe da taglias 2026
8. Comunicaziùns da la suprastànza
9. Varia

Stimadas votàntas, stimos votànts

La suprastànza digl vaschinadi Muntogna da Schons preschainta a Vus igl messadi a las dumondas inoltradas partutgànt las tractandas numnadas.

Tractanda 3:

Las pendicularas Tambo-Splügen AG àn schon sur ons or difficultads finanzialas. La fundaziùn da la Finanz-Infra Tambo AG de easser egn ampren pass par pussibiltar a las pendicularas da Spleja egn svilup economic. Detagls vurdar agl messadi tudestg.

La suprastànza dumonda d'apruvar la partecipaziùn ve da la Finanz-Infra Tambo AG.

Tractanda 4:

Suainter ca la sanaziùn digl prevedimaint d'aua digl anteriur vaschinadi da Lon à savieu vagnir serada giou cun success, sto igl prevedimaint d'aua da Pazen/Farden vagnir sano. Las lingias d'aua digls ons 50 ston vagnir ramplazadas, scheia ear igl reservoir. La sanaziùn vean a custar prest 2.8 milliùns frànchs.

Pigl vaschinadi restan custs da zirca 1 milliùn frànchs. Las lavurs vignan spartgidas sen tres ons.

La suprastànza dumonda d'apruvar igl credit par la sanaziùn digl prevedimaint d'aua da Pazen/Farden.



Anvid a messadi pigl tarvaschegns da la Muntogna da Schons

Tractanda 5 : Preventiv 2026

Igl preventiv 2026 sabasa sen la constituziùn comunala ad e vagnieu discuto an la sasida da suprastànta digls 12 da november 2025.

Igl preventiv digl quent economic, mussa sei sen basa d'egn pe da taglias da 100%, custs a gudogns totals da prest 4 miliùns. Igl preventiv seara cun egn surple da Fr. 57'799. La atgna finanziaziùn (mieds cuntanschius sez) prognostizada munta ad egn suma da 97'399 frànchs.

Igl preventiv digl quent d'investiziùns fa quent cun investiziùns da 1.7 miliùns frànchs. Las expensas vignan fatgas par la sanaziùn digl provedimaint d'aua da Pazen/Farden, la sanaziùn da la ARA Val Schons, la partizipaziùn ve da la Tambo Finanz-Infra AG sco ear ve da la veia da megliuraziùn a Valoia. Igl preventiv mussa sei egn defizit da finanziaziùn or da las investiziùns da prest 1.3 miliùns frànchs. Quel san ign tschifar sei cun facultad existainta.

La suprastànta dumonda d'apruvar igl preventiv 2026.

Tractanda 6 : Elecziùn da substituziùn par la cumissiùn da gestiùn (perioda d'ufezi 2024-26)

Curdin Kunfermann da Lon e samess a disposiziùn par l'elecziùn an la cumissiùn da gestiùn digl vaschinadi Muntogna da Schons.

Durànt igl tarvaschegns san vagnir fatgas ulteriuras propostas.

Tractanda 7. Definiziùn digl pe da taglias 202

La suprastànta digl vaschinadi Muntogna da Schons dumonda da laschar igl pe da taglias pigls 2026 sen 100% da las taglias cantunalas.

Suainter igl tarvaschegns porscha igl vaschinadi anzatge da beber.

Or da motivs ecologics desista la suprastànta da tarmeter igl preventiv 2026 an furma da pulpier. Quel e publitgieu sen la pagina d'internet digl vaschinadi www.mdschons.ch a sa vagnir consulto sen canzleia a Farden.

Donat, 17.11.2025

La suprastànta Muntogna da Schons